

TELLİYİ  
YARANAN ÖZMANLI  
HANIMLAR

ORq

324



X

ORg 324

Z

TEÂLIY-i VATAN-İD SMANLI HANIMLAR  
CEMİYETİ

تعالی وطن عثمانی خانم لڑ جمعیتی

CEMİYETİ

تاریخ تاسیسی

س ۱ کانون اول ۳۲۵

سلانیك

56182

# تعالی وطن عثمانی خانملر جمعیتی

## فصل اول

بر بی ماده : مرکز عمومی سلانیک اولوق اوره  
عثمانی اتحاد و ترقی جمعیتک تحت حمایت سندہ تعالی وطن  
عثمانی خانملرینک جمعیتی نامندہ ۴ کانون اول سنہ ۳۲۵  
تاریخندہ بر جمعیت خیریہ نسوانیہ تشکل ایتشدر . بو  
جمعیتک مؤسسہ سی نسیمہ یوسف حاتم افندی در .  
ایکنجی ماده : تعالی وطن عثمانی خانملر جمعیتک  
اساس تشکلی بالخاصہ عثمانی خانملرینک ترقیات اجتماعیہ  
وتکملات مدنیہ سی اسبابی استکمال و وطنک احتیاجات  
حاضرہ عمومیہ سنہ کوزہ علی العموم خیرات و حسناتہ  
خدمت و دلالت ایتک مقصدندن عبارتدر .  
اوچنجی ماده : بو کون احتیاجات مهمہ وطنیہ ناک

بر نخسی سطوت و مهابت بحریه عثمانیه نك تقویه سی قضیه سی  
 اولمه نظر آ درج و جمع ایدیا، چك اغانه سرمایه سیندن اول  
 بول عثمانلی خانلری نك دخی بر اثر مروت و معاوتی  
 اولن اوزره یوزده الیسی ( نوزاد وطن ) نامنده  
 حکمرانك مناسب کوره چکی سیستمده برسینه حربه  
 اهداسنه ؛ یوزده اوتوزبشی وطنك ایجاب ایدن نقاطنده  
 ولادت خانلر یتیمه و بیوایه فقرا قیزلرینه مدار انتعاش  
 اوله جق و امتعه داخلیه نك، رقیاتی تأمین و توسیع اتمک  
 اوزره دارالصناعه لرو مختلط اناث مکتبلری و بوکچی  
 تشیئات و مؤسسات انسانیه و مدنیه و جوده کیترمکه  
 و یوزده اونبشی دخی محاربات مؤسفه ده هلال احمر  
 جمعیلرینه معاونت و اشتراك اتمک آفات سماویه و  
 ارضیه و علل و امراض مستولیه مضایفته مددرس انسانیت  
 اولمق کبی احوال فوق العاده به حصر و تخصیص اولنه جقدره  
 و اشبو تشبثانه عائد صرفیات و بوکامتعاق مقررات لازمه  
 خانلر جمعیتی مجلس عمومیسنك تنسینه منوط بولنه جقدره  
 آنجق محاربات مؤسفه و افات سماویه و علل مستولیه کبی



احوال فوق العاده به قارشو واقع اوله جق معاونات  
ایچون! تحاذ اولنه جق تدابیر ایله اختیار ایدیله جک  
مصرفک ماهیتی، تفصیلات لازمه سی بالاخره مجلس  
عمومی به عرض ایدمک اوزره هیئت اداره و قومسیون  
مخصوصک تصویبله در حال تطبیق و اجر! قلنه جقدر .  
**دردنجی ماده :** جمعیت به اتقریق جنس و مذهب هر  
صاحبه احتیاجک عندالتحقیق آ کلاشیله جق فقر و  
ضرورتنه وسائط ممکنه ایله چاره ساز اولغه دخی  
غیرت ایدم جقدر .

**بشنجی ماده :** تعالی وطن عثمانلی خاملری جمعیتک  
هر سنه لا اقل بر دفعه عقد اجتماع ایتمک اوزره سالانیکده بر  
مجلس عمومی اوله جقدر . اشبو مجلس عمومی به  
سنوی یوز یکرمی غروش ودها زیاده نقداً ویا مالاً  
اعانده بولنه جق خاملر اعضای دائمه اوله جقدر .  
مجلس عمومی یوم معینده لا اقل اعضای الیدن دون  
اولماق اوزره حاضر بولنه جق خاملرله عقد اجتماع ایدم

جکدر . يوم اجتماعه حاضر بولنه میانر رأیلرینی  
بر هفته اول طوغریدن طوغری به مرکز عمومی به  
کوندره بیلیرلر . مجلس عمومی هر سنه عید ملی به مصادف  
تموزک اونجی کونی انعقاد ایده جک و ایجابی حاله  
اون بشکون قدر دوام ایده بیله جکدر اشبو مجلس  
عمومینک بر ریاست اولیسی و درت ریاست نایه سی  
اوله جق و بونلره عائد انتخابات رأی خفی ایله اجرا  
ایدیه جکدر . فقط مجلس عمومینک ایلك اجتماعی مؤسسه  
جمعیت صفتیله مشارالیهانسیمه خانم افندی حضر تلرینک  
تحت ریاستلرنده انعقاد ایده جکدر .

### التنجی ماده : مجلس عمومی هیأت جمعیتک بر سنه به

عائد بالعموم مقررات و معاملات و ریاستک اشبو  
نظامنامه به موافق کافه اجرا آت فذلکه سنی و امور  
مالیه و حسابیه مأمور لرینک حساباتی تفتیش و هیئت  
اداره نک ترتیب ایلدیکی بر سنه لک بودجه سنی اسباب  
موجبه لایحه سیله برابر تدقیق و هیئت اداره اعضاسنک

انتخاباتی اجرا و اصلاحات و توسیع معاملات و  
 تشکیلاته و قومیسونیونک تصویبیه. غرض ایانک اوزره  
 نظامنامه ده لزوم کورینه جک تعدیلاته دائر هیئت  
 ادارنک مضبطه لرینی تصدیق ایلر. قرار اتخاذه  
 اکثریت مطلقه لابد ایسه ده نظامنامه نك تعدیلی  
 و بودجه نك تصدیق و هیئت اداره اعضاسنک انتخاباتی  
 ایچون ثلثان اکثریت کانیدر. تساوی آرا وقوعنده  
 رئیسهنک طرفی ترجیح اولنور.

## فصل ثان

یدنجی ماده: تعالی وطن عثمانلی خاتمر جمعیتی سلانیک  
 مرکز عمومیمی هیئت اداریسنک ریاست: اولیدی  
 مؤسسیمی مشارالیها نسیمه بخام افری طرفندن  
 درعهده اولنه جفی کبی جمعیتیه داخل اوله جق  
 عنصر مختلفهنک اکثریت و اقلیتی ایله متناسباً درت  
 ریاست یانیهیمی و اون درت اعضاسی بولنه جقدره.

اشبو هیئت اول امرده موقت صورتده مشارالیه حاجه  
وبالاخره ایلك سنه یه مخصوص بر استئصال ملق اوزره  
مارته قدر وسنین آیه ده ۱۰ تموزده اجتماع ایده جك  
عجاس عمومی طرفندن انتخاب و تعیین قلنه جقدر .  
ولایات و والرده برئیسه اولیسی ایکیده ریسه نایه لری  
اولق اوزره طقوز و قضا لرده بر ریسه سی اولق اوزره  
بش اعضادن عبارت اوله رق نشکل ایده جك هیئت  
اداره لرده برنجی سنه ایچون شمعدیلك الك ول تشبث  
ایده جك خانم افندیلر و بالاخره اعانه دائمیه اشتراك  
ایدن خانم افندیلر موجودینك یوزده یگرمی نسبتندن  
دون اولماق اوزره اجتماع ایده جك هیئت عمومی  
انتخابیه طرفندن رأی خفی ایله انتخاب و توظیف  
ایدیله جقدر . اداره هیئت لری اعضاسنك نصفندن بر  
فضله سی حاضر اولدیغی حالده اعطای قرار ولا اقل  
هفته ده بر دفعه اجتماع ایدر .

سكزنجی ماده : سالنیکده اتحاد و ترقی جمعیتنك بشننجی

قلوبی دلالیله سائر قلوب بلرده کی اعضای جمعیتدن و عناصر  
مختلفه دن مرکب اوله رق تشکل ایدن و هر سنه اشبو  
قاوب طرفدن تعیین و انتخاب ایدیله جک اولان بر قومیسون  
مخصوص مرکب عمومینک هر معامله سنه نظارت و وساطتیه  
برابر حسابات قیودیه نک تأمین انتظامنه صرف غیرت  
ایده جکدر .

دیگر محالدرده بوقومیسون عائد وظیفه ینه اتحاد و ترفی  
جمیتمک شعبه لری طرفدن کوریله جکدر .

طوقوزنجی ماده . تعالی وطن عثمانلی خانملری جمیتمک  
درج و جمع ایده جکی اعانه شهریه دائمه بر غروشدن  
بش غروشه قدر اوله جقدر .

کریک شهری اولسون و کریک بر دفعه ینه مخصوص  
بولونسون اعانه اوله رق و یریله جک هر نوع اشیا دخی قبول  
اولنه جق و حکومتک رخصت رسمیه سنه اقران ایدن  
هبلر و وصیتلر و تبرع صورتیه تملک اموال دخی  
قبول ایدیله جکدر .

ارزو ایدنلر بر سنه لکی آلتی آیلنی اوج آیلنی  
دفعه ویرمکنده مختاردرلر. مروت وحمیت عالمنده  
خاملرک کوستره چکی تمایلاته بر حد تعینی ممکن  
اوله میه جنی جهتله بوندن فضله ویره چکلری اعانه شهریه  
و کوستره چکلری آثار مروت جمعیتجه بر موقع تقدیر  
طوته جنی کبی بر دفعه میه مخصوص اولمق اوزره انعطاف  
بیوربله حق اعانات دخی مع الشکر: ن قبول اولنه جقدر.  
یکرمی درت ایراده از یاده اعانات مهمه ده و اونستبدده هدایای  
لایقده ده بوانه - حق خام افندیلرک نام علوی - لر، جمعیتک . حه  
افتخار بنه قید ایدیلرک هر سنه نك اجتماع عمومیسده خیر  
ایله یادقلنه جقدر .

اونجی ماده. جمعیتک ناشر افکاری اولمق اوزره  
آتیا شهری بر مجموع نشر ایدیلر چکی کبی واردات و صرفیات  
شهریه سی قومیسو نجه ترتیب ایدیلر چک بالانجو ایله  
سالنیکده السنه مختلفه ایله انتشار ایدن غزته لرده  
اعلان اولنه جقدر .

آمال و مقاصد جمیتی تنویر ایچون موعظهلر  
ترتیب و مقالات و رسائل تحریر و توزیع مثللو وسائله

دخی توسل جمله تصمیما تندر .  
او نبرنجی ماده . جمعیتك واردات عمومی سی عثمانلی  
بانقہ سندہ و یا خودہا موافق بر شرائط ایله دولتجہ  
طائمش اولان سلانیک بانقہ سی کبی بانقہ لردہ ترا کم  
ایده جک و سہر مایہ نك کرک مودعاتی و کرک مقبوضاتی  
تعالیٰ وطن عثمانلی خانملری جمعیتی ایله قومیسون  
مخصوص نامنه اچرا اولنه جقدر . عینا ویریله جک اعانات  
ایچون مستقل سیغور طہلی بر مغازه استیجار ایدیلہرک  
بریکد جک اشیا ظهور ایدہ جک طالبلرینہ صاتیله جفی  
کبی ہر سنہ نك عید ملیسنده دہ برر سرکی کشادیلہ انظار  
عمومیہ یہ عرض و ایجابندہ بیانقورلدخی ترتیب قلنہ جقدر .  
جمعیتك تعقیب ابتدکی تدابیر خبرات و حسناہ قارشو  
بحق ایفای وظیفہ ایدہ بیلمسینچون ایجاب ایدرسہ دیگر  
منابع واردات تخری و تأمیننہ دخی تشبث ایله اقتطاف  
تمراتہ چالیشیلہ جقدر .

### مستخدمین و وظیفہ

اون ایکنجی ماده . تعالیٰ وطن عثمانلی خانملری

جمعیتک تحت ادا - ره سنبده بولنه جق هیئت مستخدمه  
جمعیتک وارد آیهه معاملاتنک کو ستره جکی اهمیتله متناسباً  
تزیید ایدلک اوزره شیمدیلک جمعیتجه لزوم کورکجه ند  
ریجا خدمته دعوت اولنه جق اولان برمدیره ایله برمفتشه  
دن برکاتبه ایله ایکی محاسبه و بر محرردن و بر ترجمه و برده  
وزنه داردن مرکب اوله جقدر . خدمه ایله تحصیلدار لر  
دخی حاله و احتیاجه کوره ایزوجه ترتیب و استخدام  
قلنه حقلردر . بوهیئت مستخدمه نك و نطائف و معاشاتی  
تعلیمات مخصوصه ایله تعیین اولنه جفی کبی مجازات و مکافاة  
ایجاباتی ده او تعلیماتده مصرح بولنه جقدر .

### اء انانک صورت جبابتی

اون او چنجی ماده : هیئت مستخدمه نك ایفای

وظیفه به وقوع دعوتیه تشکیلاتنه باشلاندریننده انلره

دور ایدلک اوزره اعانه اعطاسنی تعهد ایدنلرک اسم

و شهرت و محل اقامت لرینی و تعهد ایتدکاری مبالغت

مقدارینی و تعهد تاریخنی مبین ایجاب ایدن اساس

دفترلری شمديلك هيئت اداره لری طرفدن طوتيله  
بقدر . اساس دفترلری موجبجه هر آی غايه سنده  
جبايت اولنه جق او آيك تقاسييط متعهديه سيله بر  
دفعه لق و تقاسييط متعهديه محسوباً پشين اوله رق او  
آی ظرفنده ويرلمش اولان اءات كذلك نمونه سی  
حاضر لتان شهریه چدولنه بر وجه مفردات كچورلد كدن  
صكره اعانه ويرلر طرفدن او آی ایچون ويرديكي  
مبالغه حداسنه امضاويا مهر و یا اشارت وضع ايدلد كدن  
و تقاسييط متعهديه محسوباً بوجه پشين ويرلن  
اچهنك دفترده کی شهور آتیه عانده سنه مخصوص خانه  
ایله ملاحظات خانه سنده . تصریح اولندقدن و تاریخ  
قونیلوب شمديلك هيئت اداره مهر رسميسيله و اخيراً  
هيئت مستخدمه طرفدن مهر لند كدن صكره طوبولانان  
پاره ایله برابر كرك سلا نيك مركز عموميسندن و كرك  
ديكر محللردن بوجه نمونه تحریرات مقامنه قائم او  
له جق و هر شعبه یه كوندریله جك اولان مطبوع ارسالیه  
بوصله سيله طوغریدن طوغری یه و اء امین و سریع

واسطه ایله قومیسون مخصوصه ایصال ایدیله جکدر .  
اون دردیجی ماده : کړک منتظماً ایدن آیه وکړک  
بردفعه یه مخصوص اوله رق ویریله حک اعانات وهدایا  
ایچون دخی اصحابنه قومیسون مخصوص مهریله مختوم برر  
مقبوض ویریله جکی کی ملحقا تندن بوجه بالا قومیسونه  
کله جک اعانات ایچون اشبو نظامنامه نك زیرنده  
موضوع قومیسونک مهر رسمیسنی حاوڈ، مطبوع  
مقبوضار کوندریله جکدر . وهر شعبه نك واردات  
شهریه سنی حاوی اوله رق قومیسونه کله جک جداول  
دخی تعالیٰ وطن عثمانلی خانملری جمعیت مرکزیه سنجه  
هر آیک حسابات عمومیه سنه عا. و قومیسونه معاطی  
اجمال عمومیه نقل محسوبات ایچون جمعیت مذکوره یه  
تودیع و تسلیم قلنه حقدرد، تحصیلات واقعه ایچون صورت  
مخصوصه ده تحصیلدار لر تعیین ایدیله جک و بو تحصیلدار لر

موقعه و ایجاب حاله کوره عاشر و یا عاشرات و ریله جکدر که  
بوده محلی هیأت اداره لرجه تنسیت و تقدیر ایدیه جک  
نسبت تابع طو تیه جقدر .

اون شجی ماده : تعالی وطن عثمانلی خانقاری  
جمعیتی ایچون تشکل ایدن و اساس وظیفه سی سکرنجی  
ماده ده مختصر آتریف ایدیلن قومیسون مخصوصک قیو  
دات اساسیه و حسابیه مخازات جاریه سی ترتیب ایده جکی  
تعلیمات مخصوصه دأره سنده ایفا اینک و قومیسون معیتده  
بولنمق اوزره ایزوجه . بر هیئت موظفه استخدای  
دخی مقرر در .

اون الشجی ماده : مواد سالفه احکامتک تعقیب  
واجرا سنه مرکز عمومی قومیسون مخصوصی ایله مراکز  
سائر ده کی اتحاد و ترقی جمعیتی فلو بلی طرفندن نظارت  
و معاونت اولنه جقدر .

خاتمه

اشبو نظامنامه قوميسيونجه رتيب و مندرجاتى اتفاق  
آرا ايله تصويب اولمشدر . ۳ كانون ثانى سنه ۳۲۵

اعضا

رئيس قوميسيون سلائيک سلائيک مرکز حزار رئيسى

اورمان و معادن مديرى يوسف رضا

اعضا

اعضا

سلائيک ديون عموميه ناظرى سلائيک استيناف جزا

محمدتوفيق رئيسى عمر لطفى

اعضا

اعضا

سلائيک زراعت بانق محاسبه حيسى سلائيک ايکي لوله شيشى

رضا عمر

اعضا

اعضا

سلائيک نافعنه باش مهندسى سلائيک زراعت بانق مديرى

مصطفى دهنى رهنرى

اعضا

اعضا

منتش آلمشينو

ارتين يوزباشيان

اعضا

اعضا


مخائل قوجف اولاح مکه بلری مفتشی چونقه

اعضا

یکی عصر محر لردن مونز قوهن











TEÂLIY-i VATAN-İDİSMANLI HANIMLAR  
-CEMİYETİ

تعالی وطن عثمانی خانامز جمعیتی


CEMİYETİ

تاریخ تاسیسی

سا ۳۲۵ کانون اول

سلانیك

56182



Farbkarte #13

B.I.G.

